

經部

欽定四庫全書奉秋辨義卷三

經部

詳校官監察御史臣沈孫連

給事中温常殺覆勘 總校官進士臣緣

校對官中書臣李 桑

琪

腾 銀 監生臣陳元熙

ラベハノコーラ 1.1. 十四年祀武 爾康 茶桓四年 撰 四

早子以母貴者其說非數曰此狗惠公失禮而為 桓乃實讓之非攝也公羊所謂桓幼而貴隱長而 子謂當立乎桓不當立則國乃隱公之國其欲授 得為夫人母非夫人則桓乃隱之庶弟安得為適 絕之也古者諸侯不再娶於禮無二適惠公元妃 胡氏桓公與聞乎故而書即位者其弑立之罪深 既卒繼室以聲子則是攝行內主之事矣仲子安 詞非春秋之法也仲子有寵惠公欲以為夫

金万日左人二日

Jano. 1 /11 不忍即位也繼故而言即位是與聞乎試也先君 公羊氏繼故不書即位正也先君不以其道終子弟 倫也 也禮不得為而惠公從其邪心而為之隱公又探 引為邪議而用之夫婦之大倫亂矣春秋明著桓 母爱者子抱惠公欲以桓為適嗣禮之所不得 深加貶絕備書終始討罪之義以示王法正人 邪心而成之公羊又肆其邪說而傳之漢朝又 春秋排莪

美文四月 全言 隱不書即位旣以為夫子削之然則桓之即位何以 以其道終已正即位之道而即位是無恩乎先君也 是如此書公薨與書即位一也 自以為弒何敢以弑加之春秋所以處君父之道固 見百官以正君臣也事畢而反凶服焉其禮如伊尹 熊過氏曰即就也先謁廟明繼祖也還就作階之位 不削蓋桓之弑隱有所歸獄夷然不自以為弑也不 冕服奉嗣王祗見殿祖者朱先生謂王侯以國為家 表三

雖先君之喪猶以為已私服是也然柩前之位所謂 廟門俟王出在應門之内應門內王之治朝而可以 同未受就冕自難以士服臨朝康王之語曰諸侯出 子雖誓于王君薨猶必親受命也借吉行事必待踰 麻見形裳臨諸侯王世子受末命即成為君諸侯世 年改冕服見祖太甲于元祀月朔乃行之先儒謂始 喪即行朝廟即位禮者亦考之不詳也 位而哭阼階之位亦止行于廟中與正朝猶有不

金匠匹厅全書 三月公會鄭伯于垂 垂曹地 固會所逐欲善也故有是會 身抱大惡又為宋親不交鄭鄭必仗大義以難魯鄭 相構怨鄭于隱十年巳伐宋今不結魯虞魯必助宋 桓公為仲子所生于宋更親宋鄭向以公子馮故互 伯以壁假許田 相難魯固鄭所函欲善也隱公固陰結鄭況桓公

らつう こか 貿易而莫之顧是有無君之心而廢朝覲之禮有無 胡傳湯沐之邑朝宿之地先王所錫先祖所受私相 鄭人以初易許田既有成言我已入祐矣許田固鄭 之也其不曰以壁易田而謂之假者夫易則已矣言 有也鄭欲結魯以臨許復以壁假之多為跟于魯其 假則有歸道焉又以見許人改過遷善自新之意非 親之心而棄先祖之地矣故聖人以是為國惡而隐 止隱國惡而已也 春秋群義

金ダレアノー 壁假要之也 都仲與日初鄭以防歸魯名為易許實輸會平以酬 圠 劉氏曰公羊謂繁之許也非也詩云居當與許復周 年許不出鄭亦不請一旦而責五年之員何也桓公 抓壤之怨緩救宋之師而未敢斷然責價也於今五 曰假者鄭伯之辭為恭也抑春秋為魯臨文亦應如 氣餒于篡國情迫于親鄭鄭持其急而因以為市以

也不可以許田即為會舊地而生易田之說且文武 鄭又見會頌云居當與許復周公之宇則遂以為許 也且地邑各自有名据實而書豈敢擅易哉 會地也曾不知許有二詩所謂許者周公舊封也春 左氏見隱公八年鄭以初與會桓元年會以許田與 至黃乃復秦與黃皆魯地而諸侯之國亦有秦有黃 秋所謂許田者許國之地也如經書築臺於秦仲添 公之宇然則周公受封本有許邑非春秋故繁之許

くこのでんす!

春秋辯義

金ダロアノ言 歸會必欲急得許田隱公何得終其身不歸之及桓 古許國也見有許田縣則許田是許之田如邾田之 國何地以處之此不然也改之地志今許州許昌郡 祭湯沐之色借如彼說時鄭莊公方强此年旣以移 類何得以為魯地近許之田乎是又不然也況初今 之立始以壁假之何哉況神不散非祀民不祀非族 之子孫孰非有功而親者使皆有朝宿湯沐之邑中 在沂州瑯琊縣有防地去泰山為遠安得為鄭人 助


これ ここ とこ 誠有易田之事但日歸材入材無乃太隱而不可知 甚也聖人脩經欲令後世明知不待三傳而後著使 鄭伯雖至愚釋泰山之祀而為會祀周公非人情之 會入之然後二國之黨固矣予當疑防在沂州為會 好未固謂隱公可以利啗之故以初地與之鄭歸而 乎不知材者乃鄭當所侵有之地而特近于魯今歸 地經不書會失防之時或在春秋之前也考之祊即 于我者鄭人思以結會之援六年既來輸平恐會之 快

金定匹店全言 謹闡蓋魯之故地既失復得何用書入乎今初特書 歸材足矣不當繼書曰庾寅我入枋據齊人歸我濟 隱公既交齊鄭十年乃相與伐宋而取部防十一 乃許田旣非魯之舊封何得是乎曰此春秋之微義 口我 入材則見魯公貪鄭之貼非可入而入故也若 西田經不書我入濟西齊人歸雜及闡經不書我入 近魯非本魯地也若本魯地經但當書鄭伯使宛來 乃合齊鄭之師代許而有其地蓋會之有許田自

莊寒間直至于會之垂以求許田名為壁假實脇取 鄭人雖欲得之而未能與會争逮一旦桓公篡隱鄭 許之年始伐宋之謀本于齊鄭故經書暈的師會齊 許之土地為鄭所有許田此不見經至鄭莊死忽突 之也桓公不義方懼諸侯之討宜不敢不與也自是 而遠于曾曾人雖有之鄭人之所欲也時隱公尚强 公及齊人鄭人入許及者謀主于我也然許田近鄭 人伐宋會者謀出于彼也入許之師出乎隱公故書

争國鄭國大亂許叔始得乘間而入許復有其國經 許叔入于許其古隱而甚明由是鄭人無時不伐許 許鄭之事蓋蘇鄭莊假許田于魯故也及之春秋許 秋之末經書鄭游速師師減許以許男斯歸而後已 **此欲得其故地許人凡四遷以避之而卒不免逮春** 于桓十五年先書鄭突出奔察鄭忽歸于鄭即繼書 之事乎左氏為許田之說旣誤後又覺有許叔入許 之源流興亡若是何得如左氏附會之說妄假易田

人のうち へたい 夏四月丁未公及鄭伯盟于越 許讓公公又以與鄭人鄭伯使百里奉許叔以居許 辭曰渝盟無享國何其堅也會鄭之交固而鄭無宋 年何得于隱公之時已有之學者之於春秋不完源 流始末期於自得而惟隨三傳東西若是錯誤者豈 東偏蓋為後張本也不知鄭之得許乃在于壁飯之 之事乃于隱十一年公及齊鄭入許設辭謂齊侯以 少耶此容齊說 春秋群義



春王正月戊申宋督弑其君與夷及其大夫孔父 鄭莊公欲納馬于宋自隱四年以後鄭宋之兵大抵 秦寧六楚武三十 是因民心内離鄭援外固殺孔父而奪之兵因弑殤 以馬故也殤公輕聽說人之交關立十年十一戰民 臣之道固不能無罪然華督馮之黨也伺間久矣至 公而人莫敢動居公子馬于鄭而立之以親鄭魯齊 不堪命則信有之孔父職為司馬而不能諫律以大 **玉头押**人

金定匹庫全書 妻益碎說也而公羊義形于色之云亦緣文生義耳 皆有縣遂相宋公督之本末如此左氏殺孔氏取其 曹操欲禪位而憚孔融此數君子者義形于色皆足 胡傳華督欲弑君而憚孔父劉安欲叛漢而憚汲黯 謂賢乎孔父之意也 死而日及書尊及里也書大夫有官則稱之亦非所 之賢否與其死之善不善則各存乎其事矣孔父先 人臣死君難例書曰及孔父前息仇收是也而其人

2007:12: 能國乎 可知也 督為太軍不書其官或官非卿或卿不命或削之未 也穀梁曰孔父先死其曰及何也書尊及甲也何以 前臣名名其君于上不得字其臣于下禮之大節也 以衞宗社而忤邪心姦臣之所以憚也不有君子其 杜氏曰孔父稱名者內不能正其閨門外取怨于民 孔父嘉為司馬左氏文也左氏以嘉為名劉敞曰君 春秋十七

金に口だべる 夫也或名或字两家之說如聚訟然夫諸侯不生名 侯以字為氏因以為族駭乃公子展之孫公命以字 **疎矣劉卷非天子三公乎然以字為得者有三義諸** 宋大夫其名未賜族也孔父嘉不名者天子之命大 知先殺孔父日子既死父不忍稱其名臣既死君不 忍稱其名又曰其不稱名蓋為祖諱也趙子常白督 所徵疑信也能過氏曰天子之命大夫故不名則益 死則名之不稱 與夷則殤公之名 終身不見于經何 基三

也 或曰宋司城荡荡固其名而其孫為蕩意諸則固以 穀梁為祖諱之說似為得之二也以字義為斷名嘉 果以孔為名將為孔氏子姓者世世名其祖矣忍乎 謂尤莫近于家語矣家語日孔父生時所賜號與陳 字孔父與楚成嘉字孔父鄭公子嘉字孔同三也子 為展氏孔父之後皆氏孔一也孔子為孔父之孫如 女叔一例蓋宋陳為三恪時王崇異之此說不可易

滕子來朝 一好定四庫全書 喪者矣又有言春秋嚴于亂賊之黨桓公弑立滕侯 滕子稱子胡氏曰先儒謂時王所點也又有言其在 說又不可執 國不堪徵求甘從降爵以從殺禮者夫嚴于亂賊之 首先來朝降而稱子以正其罪者又有謂小國事大 名或字無意于其間數則謂孔氏子孫世世名祖之 名為字矣豈高中女所謂春秋宗古自有所在而或

黨固謬矣如曰在喪則終春秋之世不復稱侯者何 降之乎且孔子降滕侯為子也其祀侯之伯之子薛 會莊公二十七年書祀伯來朝其後又稱子益為時 說焉獨為時王所點似為近理高中玄曰周天子雖 王所點固有記之者矣此何不足據而必以為孔子 弱然豈曾無一事行于微小之國者乎傳曰杞侯爵 所點滕侯爵隱公七年滕侯書卒其後稱子蓋為時 王所熟薛侯爵莊公三十一年書薛伯卒盖為時王

人次群覧

金好四ルノニモー 勢耳蓋當時周德雖哀而東遷未幾王靈不歇桓王 果時王所點也則滕侯之子獨非時王點之乎孔子 雖無撥亂反正之才然非孱主也即其在位二十三 侯之伯亦皆孔子降之乎杞侯之伯之子薛侯之伯 年行事恭之惡鄭侯而不禮右號公而畀政兩置翼 作春秋祗可明是非以定褒貶斷不得自行予奪降 人之侯而又與之以子也且文定亦未考桓王之時 代曲沃宋公不王蔡衛郡不會王命即令齊郭 卷三

蘇忿生之田而易于鄭故天下不服耳則夫滕侯小 討之芮伯奔衛即同秦師執之亦蹈厲矣特為政不 智也彼不會王命代宋者非察衛邴三國耶而以 此事理所必有也矧舍天下而獨法滕亦桓王之故 有失禮而整君綱飭舊典因其弱而易法貶號為子 平凡事多狡如因曲沃之叛而改圖立翼已不能有 鄭人 入計達命者一郎也疼衛大則含之郎小則討 則舍之滕小則斥之桓王借一 滕以彰

7: 1 7:

春秋鄉義

灌南曰按樂正子記滕侯薛侯旅朝隱公桓王聞之 皆主之 周顯二十三年衛更貶號日侯服屬三晉慎龍王元 此事理所必有也其以自貶為說亦有 前固有此事衛可踵而行之耳此說孫明復程不 衛更販號曰君此皆春秋末戰國初年之事也必 朝滕以子往薛以伯往王怒皆默焉以子往以 時之威夫子因借一書縣以存萬古君臣之分 證通鑑載 伯

金灰口以及全下

卷三

三月公會齊侯陳侯鄭伯于稷以成宋亂 27.77.1.1. 還春秋獨書一成字以著其罪徐邈曰宋雖已亂諸 宋有弑君之亂諸侯不能正名討罪更受賂立賊而 往自貶之說也王怒皆點焉時王所點之說也因其 侯討之則有撥亂之功不討則受成亂之責左氏謂 子往而贬之尤易為力樂正所記可作兩證 四國受縣立華氏是長其亂的而宋國他日之禍皆 胚胎于此矣齊之伯也釋晉里克及魯慶父弑君之 春火、美

吉

者襄公以後雖數世為諸侯長然觀其施為大抵皆 地召王于溫而使諸侯朝之名分之壞孰有甚于此 罪而不誅君臣之道遂以陵替晉之伯也削王室之 痛之甚思欲一拯救之而不可得也于此書一成字 緩篡弒之罪縱人臣之惡開禍亂之門夫子傷之甚 以後就君者輩出多不書矣成就者明著其罪莫如 以著其罪此特筆也故討試者明正其罪莫如州吁 , 稷以後黨逆者輩出多不書矣討試者已成絕筆 基三 2.7. 勝書而不書故春秋之初止記二條以為大法而已 齊平定十年及齊平定十一年及鄭平皆未有言成 安定胡氏曰成就也謝氏曰遂其事之謂成此其義 諸侯之會自參以上必言故其義胡氏備矣成字解 渝平宣四年平莒及郯十五年宋及楚平昭七年暨 甚請以經傳證之經書諸國平者六如隱八年鄭來 也說者不達經義而以成為平如杜氏所說悖教殊 以後之無可書而不書弒君者代不乏人以後之不 7 大

金庆四十八年了日 者則不以成為平可知也即左氏所載如隱之三成 大三之請成于晉及拜晉成襄九之鄭人恐乃行成 紀好桓元之結材成三年之紀求成莊十五之鄭成 相似者亦有一莊十三年會于北杏以平宋亂是也 晉使瑕嘉平戎于王者是也與此條以成宋亂文適 吾平戎于王二十五年之衛人平莒于我成元年之 亦有四桓十二之宋公辭平僖十二之齊侯使管夷 如此不一皆言成也亦惟傳有此成也然傳言平者

而後是非善惡之實著矣 不書宋災故則澶淵之會疑于謀討蔡直書其所為 故立華氏適成其亂而已 督而誅之易莊公置君而後去則宋亂平矣今為縣 弑君莊公為弑君所立正在亂時使齊侯一會戮華 矣北杏之會不過億寧其上下耳故可言平若華督 乃北古之去年冬猛獲南宫長萬皆已被臨伏其罪 永嘉吕氏日不書以成宋亂則稷之會疑于謀計督

たころことす

春秋排義

金はしたとこ 夏四月取郜大縣于宋戊申納于太廟 稷宋地 諸侯之廟二昭二穆與太祖之廟而五鄭氏云太祖 伯禽為始封之君而祀之于世室也太者大而無上 於會以奉周公故周公為魯之始祖而祀之於太廟 始封之君如齊之太公衞之康叔是也成王封伯禽 之廟又稱周廟謂之宗廟杜預以為丈王廟夫王制 汪氏曰按公穀皆云周公稱太廟而左傳既稱周

秋七月杞侯來朝 かつこりき シンプ 廟耳 北部在今兖州府城武縣東南 廟蓋繇魯有禘禮祭文王為所自出之帝故遂謂魯 有文王廟若魯頌稱姜嫄而說禮者亦云魯有姜嫄 王之廟而可立之于魯乎禮稱以稀禮祀周公于太 **乔嘗書宗廟也郊特牲云諸侯不得祖天子豈以文** 之名豈以大廟之上又有丈王廟乎春秋四書大廟 春秋鄉義

金厂口下人工 黃正憲氏曰苔與魯為隣把偏脇于苔欲求强援故 曾人 來朝乃魯桓欺其弱小背責以利不遂所欲九月即 左傳起侯來朝不敬乃謀伐之 祀尚在雍丘不然誤認公穀之紀也 以震於于祀而來朝非志也滕祀皆侯也滕以子來 其國按黄氏此說盖以把遷緣陵者也不知此時 仲與曰桓公篡國挾齊鄭之助取宋縣受滕朝其 人以為敬祀以侯來魯人以為不敬明年討祀

ここり.ユ ハニ 蟲牢馬陵浦戲京城北蕭魚溴梁會于沙隨夷儀平 盟以伐鄭穰楚晉景公請于項王僅復伯爵故盟于 以夷禮事襄王點為子桓公以後與晉為州數從會 灌甫曰按樂正子記祀公以侯禮事周厲王點為祀 侯武公立仍稱把侯以朝曾至惠公再點為伯成公 會那之平比事而觀知其為把必矣左氏樂正非誤 弱勢使然也武公自是年朝桓之後繼有入祀之役 丘郭陵召陵皆稱祀伯終不能復其故爵蓋國漸削 春头群義

蔡侯鄭伯會于鄧 金好口厂人二百 **杷今開封府祀縣古雍丘** 桓之失即文自見亦何待貶爵以著之乎 **把公敷作紀** 蠻猾 夏之漸蓋 自此始 此後七年穀鄧以楚倡奔會莊十年荆人執察侯荆 也若紀自齊鄭偽朝之後始有戒心與祀無預至朝 左傳始懼楚也

史記是年楚子熊通稱王于丹陽初楚之代隨也隨 尊耳乃自立為武王與隨人盟而去 康為句亶王紅為鄂王執庇為越章王此僭王之始 廬陂李氏曰楚 自熊繹始受封六世至熊渠立其子 有敞甲欲以觀中國之政請王室尊吾號耳隨人以 為請王不聽熊通怒曰吾先君鬻熊大王之師也成 人日我 無罪楚日我蠻夷也令諸侯皆為叛相侵我 王乃以子男田令居楚蠻夷率服而王不如位我自 小块样之

金灰四库全言 **楚勢益張他日争伯之權與始此** 楚已大于江漢之間矣莊公四年文王熊對立莊六 年而伐申莊十年而執察侯莊十六年而滅鄧于是 於桓之六年合諸侯于桓之八年圓鄾敗鄧于桓之 九年盟貳擊敗鄖師浦屬於桓之十一年伐絞伐羅 公羊曰離不言會此言會何益鄧與會耳是以發為 世至熊通是為武王武王十九年入春秋侵隨 世至熊儀是為若敖又二世至熊詢是為粉冒

次三日でくるす… 九月入祀 例以此類川鄧城為蔡地其鄧國則義陽鄧縣是也 鄧國今襄陽府北二十里鄧城即其地 非鄧國也 楚始為此會何當反求近楚小國而與之結援故 **鄧是小國去蔡路遠蔡鄭不宜遠會其都且蔡鄭懼** 國者公羊也杜氏顏川召陵西南有鄧地孔氏曰釋 左傳討不敬也 春秋辯義

冬公至自唐 公及戎盟于唐 桓公十八年出行共二十四次止書至二條一為二 來稱會成事也 不書者而與戎盟則書此可見經之所謹矣十三年 左傳特相會往來稱地讓事也自參以上則往稱地 年之盟唐一為十八年四月之代鄭故元年盟越有 及齊宋衛熊戰有不書者而伐鄭則書是年四月伐 , ショー (/m)0: 1 /// 捏首止解母洗葵丘鹹八大會常君皆與並不書至 傳曰書至危之也似得經意糾合諸侯自齊桓始幽 得傳意矣准之會僖公為齊所止聲姜出會始得釋 穀梁謂桓會不致安之也得經意矣末年壮丘准二 臨川吳氏曰歸而告廟常事爾春秋何為書之穀梁 鄭七月始歸歷四月踰二時也可見踰時交夷狄為 春秋書至之法矣 會書至范宿注日桓會不至齊桓德哀故危而致之 春秋羊莪 Ī.

書至大率危之也危之若何或事之難或動之非或 故書也穀梁子襄公朝楚之傳曰至自楚喜之也殆 地之遠或時之久皆是危道幸其禮成事畢而得至 朝故致也以是推之桓莊文宣成襄昭定哀之行其 為得禮故特書其至其餘夫人之行皆非美事故不 其往而喜其反也魯夫人惟文九年出姜如齊歸寧 不比衣裳之會故至也齊桓旣殁僖公朝齊非所宜 則知書至危之也伐楚伐鄭二役書至者兵凶戰危

金罗四月八十二

次已日至全日 寧不得已而出亦以得還至國為喜也未至以前記 書至然則出姜之至亦危之乎婦人無外事禮合歸 其所至以示功過且志其去國遠邇運速也其有一 啖氏曰凡公行總一百七十有六書至者八十有二 書其至以此見經之書至非美事也 我會大夫之書至者三皆為齊晉所執幸其解脫故 敢以為安乎彼非禮而行者固不足道又奚恤其危 不書至者九十有四左傳謂告廟則書于策夫子隨 春秋辯義

春正月公會齊侯于嬴 壬申○桓王十一年 とりになんご |年〇齊僖二十二晉哀九衞宣十蔡桓六鄭莊三十 也又有不致本事者本事非功也 此書至之始 出而涉兩事者或致前事或致後事擇其重者志之 五曹桓四十八陳桓三十六祀武四十二宋莊公馮 九年秦寧七楚武三十二

夏齊侯衛侯胥命于浦 いっていると 杜氏曰公不繇媒介自與齊侯會而成婚非禮也 嬴令泰安州界内 詩惡屢盟春秋善胥命兩君相命結言而退首卿記 左傳會于嬴成婚于齊也 左傳不盟也公羊傳胥命者何相命也 于苴澤以相王泰齊約共稱帝而相帝同則不然也 之矣張洽氏謂彼此相命為伯以成其私與齊魏會 秋、美

六月公會把侯于那 是文其事而為此浦之役焉 構已解四國又皆有路齊衛徒作此釁隙何為也干 鄭結齊而宋結衛彼此相敵已久宋遭弑君之禍鄭 浦今在大名府長垣縣界古陳留地 考齊衛胥命之後不聞有會盟侵伐之事僅能一 **丘傳把求成也把魯自是交好** 盟惡曹皆以鄭忽之故非相推為伯明矣蓋 戰

シンラートき 秋七月壬辰朔日有食之旣 公子暈如齊逆女 月齊侯送姜氏于雜 杞公作紀邸公作盛 **暈稱公子始命為卿也為卿未必然春秋書法初稱** 名者蓋君父方在寡人有子未知誰立故不稱公子 稱弟已稱公子以斯進即遠也 境送女非禮也此入國矣何以不稱 春秋辨義 艺

全りしたしき 皆行公不自送于小國則上大夫送之 夫人自我言齊父母之于子雖為隣國夫人猶曰吾 母熊之房中父戒之東階之上諸母戒之兩階之間 孝公聞之脩禮親迎于華氏之室父母送之不下堂 列女傳齊孝公夫人孟姬華氏長女也齊國稱其貞 卿送之于大國雖公子亦上卿送之于天子則諸卿 姜氏穀梁傳禮送女瑜境非禮也 左傳凡公女嫁于敵國姊妹則上卿送之公子則下

べる)カテレベラ 趙氏曰桓夫人文姜齊僖女莊夫人哀姜先儒以為 子卒定夫人似氏亦為公子日所取傳言哀公以 姑姊妹戒之門內可謂能行禮矣 襄公未嘗取正適也昭公娶于吳為同姓其死日孟 齊襄女僖夫人聲姜先儒以會齊桓證為桓女蓋為 之子卒立敬歸之娣齊歸之子不言適夫人無子則 公子時所取丈夫人出姜齊昭女宣夫人穆姜齊惠 女成夫人齊姜蓋齊頃女襄公薨傳言立胡女敬歸 . 春秋群義 麦

金万四戶八三 夫人姜氏至自齊 漢志蛇丘有下謹亭今寧陽西界地入魯境 姚舜牧氏曰魯桓意在結齊為援而娶其女故桓所 會齊侯于謹 矣 子荆之母為夫人而以荆為太子則哀固以妄為妻 得夫子春秋之旨 行事但重在會而不在于婚諸儒皆以婚禮責桓不

有年 冬齊侯使其弟年來聘 2 - 10. · /... 往會于贏以求婚已為非禮至是齊傳越境送女桓 穀梁日五穀皆熟為有年楊士熟氏日有年書子冬 至者謂公自謹受之爾 灌甫曰桓畏不義之誅申好于齊是年春不繇媒妁 人因會納婦豈皆别嫌正始之道那不言暈以姜氏 一傳致夫人也 春火中艺

金年にたる言し 者五穀畢入計用豐足然後書之公羊有年以喜書 大豐年也此事在不修春秋則為慶祥君子備之則 也大有年亦以喜書也有年何僅有年也大有年何 耳以君之故而惡其民且變其善惡古凶之實而别 是惡其民何罪五穀皆熟總為吾民足衣食寬生計 為變異聖人立與王之新法也程氏發明與旨以為 紀異此得于意言之表者噫楊氏之言亦巧矣其君 立異義聖人書法恐不若是趙子常曰夫天道有變 卷三

四年〇齊僖二十三晋小子侯元年衛宣十一祭桓七 癸酉〇桓王十二年 鄭莊三十六曹桓四十九陳桓三十七紀武四十三 有反常之譏而春秋為遷怒之筆矣 則有復水旱饑饉其變也有年大有年其復也雖非 君說者乃因一人行惡而遂欲災及萬民於是天道 屢書而不可得乃生民休戚所繫非天所以賞罰人 有年而亦不至于饑饉者其常也有年大有年史欲

多定匹庫全書 春正月公狩于郎 宋莊二秦寧八楚武三十三 也此府即也左氏書時禮也則于常事不書者礙矣 四時之田止書苑府苑府經不多書其書者必有故 爾遠也 左傳書時禮也公羊傳常事不書此何以書譏何譏 公羊曰遠也則昌間比浦之蒐豈無遠于郎者豈以

皆譏乎載考郎為魚臺縣近宋地前隱九年城郎後

耳 十年來戰于郎莊公八年師次于郎其為魯之要地 耀武示强又與非時非地之蒐不同故頻書以示變 也乃春秋書此固有二科文公以後四公俱不書以 可知于郎行狩以寓用武治兵之法書此者謹其事 公羊穀 深冬狩秋蒐並同而苗則公羊在春穀梁在 大夫專國公不復知軍政時田得失無足議也昭公 年以後又復頻書是時三家分會假春苑之禮以

たとりころす

春秋排莪

夏天王使军渠伯糾來聘 イング レットノーで 伯糾名孫明復亦有是說熊過氏則謂宰有太宰卿 左氏謂王朝之伯不可書名以父在故名解之渠姓 此嵬狩之始 總名不專在于春故也公羊之義夏時務農不苗然 夏公羊則夏時無名穀梁則春曰田田者四時獵之 小军中大夫军夫下大夫此军夫也伯糾為字二說 則非警急及有獸害苗則不苗也 卷三

くれていた。 成公十五年宋向帶為太宰魚府為少軍序次在少 平公築臺則太牢董土功之役矣楚有太牢而十五 周公為師又日位家军正百工則以三公下行端揆 皆是胡氏以宰為家宰猶可言也至此以宰為太军 則太军在行人之後矣十七年宋皇國父為太军為 益謬矣春秋記周事家军設官不見于禮然據書云 司冠之後襄十一年鄭使行人良雷太军石臭如楚 之職冢宰周六卿之長也若太宰在列國非上秩按 春秋月莪

金灰口厂 鈞執政自有其人未必即以少弟為尊官則太宰固 為冢牢自在成王時為太牢自在武王時武王時東 叔為司寇聃季為司空與周公為家军不合然周公 獨衛祝鮑有言曰武王之母弟八人周公為太军康 嚭為太军則僅以處客子通臣矣當時列國雖不王 官且不得列矣吳有太军而定五年以伯州犂之孫 年載楚公子午為令尹以至宫廢尹共九官太军一 何至以王朝之所尊為下國之所賤倒置一如此也

甲戌○桓王十三年 五年○齊僖二十四晉小子二衞宣十二蔡桓八鄭莊 人已日子二日十二 是年不具秋冬桓篇多姓與下文甲戊已丑連 太與大宗伯大司寇同則祝鮑之言傳者之誤也固 非上秋益可知矣予著周禮說大军如字作大不作 知羽父之求宋督之官皆大非太也 秦寧九楚武三十四 一十七曹桓五十陳桓三十八卒祀武四十四宋莊 春秋鄉美

春正月甲戊已丑陳侯鮑卒 金ダレだ 戌日已五為十六日當是甲戌年正月已五日也史 黄正憲氏日按以隱公元年已未推之則桓公五年 亂作故再赴 歲在甲戌以元凱長歷正月甲申朔推之月內無甲 左傳再赴也文公子伦殺太子免而代之公疾病而 公穀以甲戌之日亡已丑之日得不知死之日故學 一日以包皆不知闕丈之義也

ションロュ トム・す 夏齊侯鄭伯如紀 實朝于紀者劉敞所謂誅意之效也 官之丈偶倒置耳則左傳再赴公羊戌亡丑得之說 為計以謀免難而卒不能春秋惡其譎詐而書之若 春秋之初能以詐取人國者惟鄭莊公莊公當挾齊 左傳齊侯鄭伯朝于紀欲以襲之紀人知之 可置勿辯 /輔齊以圖紀自二君如紀之後紀多 春秋辯義

天王使仍叔之子來聘 金ダレアと言 臨川吳氏曰許近于鄭紀近于齊鄭欲得許與齊同 此益幾子弟預國政耳或謂責世官若然何不曰仍 杜氏曰仍叔天子之大夫稱子本于父字幼弱之辭 柜王為是作好耳 趙金明日後兵也非也周非能後魯兵恐其比鄭以 謀之而卒得許齊欲得紀與鄭同謀之而卒得紀 氏之子 乎如仍氏之子已為大夫 經自當以官氏名

城祝丘 葬陳桓公 機不時也據文姜享齊侯于祝丘則祝丘齊魯兩境 字見若咺渠伯糾之類是也今曰仍叔之子蓋知其 以不書諸侯不朝以陪臣報不足錄也 仍穀作任 **郝仲與日王使 禾命之稱也杜說得之** 一歲再問而魯無 ふ 大二 往乎日往矣何 : :

金定匹库全音 秋蔡人衛人陳人從王伐鄭 鄭世為周卿士王貳于號故周鄭交惡王以諸侯伐 敗祝聃射王中肩 也按十四年宋人以齊人蔡人衞人陳人伐鄭僖 鄭其言蔡人衛人陳人從王伐鄭者不使天子首兵 祝丘今沂州西有丘城 左傳王奪鄭伯政鄭伯不朝王以諸侯伐鄭王卒大 一色齊將襲紀故魯非時城此以備之

1741-111 戰于栢舉皆曰以此不使天子首兵可知也天子無 春秋悉以人書而王不稱天蓋謂釋會大惡不討而 以小忿伐鄭貶也其實不然天子臨戎諸侯以君為 敵非鄭伯可得抗也蘇子縣曰不言戰王者無敵莫 左氏稱王以諸侯伐鄭張洽氏曰此其君必親從王 敢與之戰也不書敗諱之也 十六年公以楚師伐齊定四年蔡侯以吳子及楚人 **執鞭拜從事稱人以往固其宜也且君將稱人者**

金定四年全書 仇鄭久矣隱二年鄭代衛四年宋陳察衛代鄭十年 戌曰王師則非親討敗而可書也 書從王明君臣之義也然則曷為書王師敗績于茅 高忠憲曰不書戰不書敗所不忍言存天下之防也 陳他皆不成君也合而稱人不必異議 永嘉吕氏曰王代鄭而從者僅三國何哉蔡衛陳之 文公以前不一而足況蔡陳衛皆非大國也又州吁 、鄭又與蔡人伐戴而鄭復伐取三國之師桓

てこうら とう 衛之隙未解也王討有加于鄭而三國從之托公議 為伯首在尊周莊十四年與陳曹伐宋請師于周書 曰單伯會伐宋立言有法庶復王室之舊焉成公十 反助衛朔以與天子抗矣救之為言何其里也齊桓 至莊六年而王人子突救衛諸侯不惟無相從者而 王師雖敗而春秋書蔡人衛人從王伐鄭猶有體也 以濟私忿耳 年陳與鄭雖會于稷蔡與鄭雖會于鄧未有成也 春秋洋美 14.9

大雪 單子晉侯伐鄭則天朝卿佐亦與執戈至此而王靈 六年公會产子晉侯齊國佐都人伐鄭十七年公會 閉蟄而然過則書 其以師從王之失政亦可知也 不復振矣陸氏曰陳佗殺太子而立王不能討又許 胡傳大雩者于上帝用盛樂也諸侯雩于境內之山 **丘傳書不時也凡祀啓蟄而郊龍見而雩始殺而當** 卷三

金げらけんとうで

以舞為盛遂名壇曰舞雩舞雩有二龍見而雩致增 在城南舞以女巫雩樂以皇所以達陽中之陰雩祭 熊過氏日季者號祭吁嗟求雨也曾南為零門舞雲 敢以他人祖稱祭于已寝禮也 是也諸侯不得祭天地大夫不得祭山川士庶人不 故雪祭則因旱以書而特謂之大郊稀亦因事以書 而義自見此皆國史所不能與君子以為性命之文 川爾魯諸侯而郊禘大雩欲悉書于策則有不勝書

金定匹库全書 此書雾之始 法不過志其時事如此勤怠僭越之說非所施也故 常督也胡氏義備矣月令建千之雲則秦制耳 大雩非時雩春秋皆不以為譏 用威樂號呼之情隨時迫切總以為吾民耳書零之 七月早則七月求八月早則八月求求則禱大求則 龍見石零雲以已月為正早則求之甚早則大求之 祈澤常祭也旱而雪非常也大雪上帝用威樂又非

て うこここ 乙亥〇桓王十四年 **冬州公如曹** 甚誤 來會之道不當先至曹矣此左氏說也以熊氏考之 州地在今武陟縣杜氏以為淳于則地在高密而其 **螽不書時不在一月也公作螺 丘傳淳于公如曹度其國危遂不復** 春秋鄉美

金佐口人人言 春正月寔來 **寔者州公名是也詹萊氏曰昔公之而今名之何也** 侯失國後託于諸侯孟子以為禮也州公來朝以諸 胡子曰春秋之法諸侯不生名失地滅同姓則名諸 以公如曹以匹夫留我也不以國氏蒙上文也 莊四秦寧十楚武三十五 三十八曹桓五十一陳厲公雖元年祀武四十五宋 〕齊僖二十五晉小子三衞宣十三蔡桓九鄭莊

() () () () () () 氏姓其說甚正然名與不名未必盡然有國小文告 接之若譚子在苔弦子在黃溫子在衛可見如蔡獻 國之間而失國是不幸焉非其罪也則以諸侯之禮 侯之禮接之春秋乃書其名以匹夫之賤畜之孟子 不及而不名者有確得其名此後不及書卒而以 不名則知所勸戒矣按胡氏意責國君當自强以保 舞邦益曹陽州寔之徒皆其自取焉耳觀春秋名與 乃以為禮然則何居曰諸侯故恣淩弱暴寡迫乎大

金好四人生 **奧之為名其說甚多杜元凱曰寔實也公羊曰實來** 卒而以一名徵其實也 使來撫予一人而鞏伯實來或春秋時有是字法而 記禮者曰天子曰非他伯父實來成二年傳王曰所 予甚非之及讀張洽氏之說而不能無惑焉張氏曰 疑者不可例論也杜元凱曰若州公者此後不及書 名徵其實者有一國兩君雖非卒滅而以一名定其 者猶曰是人來也穀梁曰實來者是來也其義甚稱

えこつう かき 州為来邑州公與號公同猶之劉文公單靖公也熊 有鄭重之意故下語确然如此若州公亡國之君羁 過氏日州者天子圻内之邑河内武陟地旣非隨紋 經以此為文數已再篩之日伯父實來輩伯實來皆 而州在焉後為州公食邑隱十有一年蘇叛天子不 鄰國以沒身雖見可憐當無所重要之還以實名為 州萊代楚之州亦非淳于之州昔蘇忽生有田十二 春秋群義 ‡

金ワレル 伐鄭徴兵而兵端始啓意者仍氏未行州公猶得游 能有也取鄙劉為形之田于鄭以十二邑與鄭盟向 衛人代盟向王始遷盟向之民于郊夫十二邑有盟 偃于州耶明年夏盟向求成于鄭旣而背之秋鄭齊 州在焉則州公失来矣至是五年伐鄭仍叔之子以 與向則王雖與鄭而不有至是旅拒以争而州公之 來繼仍氏有徵發耶春秋稱公者惟二王後及三公 稱公故州公天子之三公也左氏不知以為淳子公

夷安城淳于本春秋州國誤矣淳于者雕道元云本 民不服觀桓七年盟向背鄭而伐之王遷盟向之民 田惟知嚮利來便不顧州公失采矣鄭雖得邑而其 西達于局州公來曾經曹衛已從王魯未當出師故 王之後安得稱公是勵亦緣左氏再誤也雷南連曹 夏之斟灌國武王以封淳于公祀併之夫淳于非二 如曹而六年實來按周桓王以十二邑易鄭四邑之 輿地廣記遂附會之以東海縣有大小州山曰高密

欠日可口公子

春秋辯美

夏四月公會紀侯于成 金りにたるる 得苟安本邑昨年王已伐鄭矣州公何能自安故冬 成在今泰安州萊蕪縣界 第云仍叔來徴兵州公繼仍叔來有所徵發則非 左傳紀來諮謀齊難也 如則州可知使周不伐鄭則鄭猶不仇州州公猶 如曹今年實來此實錄也能氏 卷三 朝洗出之快矣

欠とりことま !! 秋八月壬午大閱 高忠憲日簡車馬也懼齊鄭故先王寓軍政于四時 故有郎之師齊侯欲以丈姜妻太子忽辭 以非時簡車馬 穀梁益以觀婦人書杜氏曰鄭忽訴齊魯人懼之故 大閱左氏日冬事也秋與之非正也公羊益以罕書 左傳北戎 代齊 鄭太子忽帥師救齊大敗戎師諸侯 之大夫成齊齊人饋之飯使會為其班後鄭鄭忽怒 春秋鄉義

仲春教振旅仲夏教炭舍仲秋教治兵仲冬教大閱 事也 皆習武之事而以四時異名也春夏秋三時農務方 季明德日閱簡武也蓋數而視之之意古者寓軍政 殷則其法畧冬時農務已畢則其法詳畧則少假時 于四時之田皆于農除講武通謂之閱周禮大司馬 之不素也威夏大閱屬農失政甚矣不言公一國之 之田其備豫矣無事而為之妄動也有警而為之教 Set 1. Dies total Lesson 1 淵振旅闡闡則兵以鼓進之時亦可謂之振旅此豈 大合車徒備修戰法一一數視欲其皆精故謂之大 本虞書班師振旅而言也然来也之詩有日代鼓淵 雅同其曰治兵本春秋甲午治兵而言也其曰振旅 振旅是又以治兵振旅分為出入二事矣其說與爾 閱觀周禮大閱列于振旅炭合治兵之中則大之為 **閒小試肆習如坐作進退之法姑舉其緊而已詳則** 名比三時獨詳之義也穀梁傳則謂出曰治兵入曰 春秋辯美

金欠口尼人三百 專指班師入國之名哉益振者振起之義所以作其 為必是也故小閱則總名治兵大治則總名大閱 别有一事哉周禮于治兵之外更立振旅茂舍二名 知此意故耳 詳一畧而義已盡矣先儒以大為偕天子禮亦蘇不 似亦過于分析此傳記之言不合于經義者未敢以 兵之止合即安營之法也出而治兵法宜併習宣復 氣之怠哀 即戒嚴之法也茂者萊沛之區所以處其 卷三

つこりことす 一 盡 **佗已踰年成君矣淫獵輕出自殞其首因其匹夫行** 陳厲公蔡出也故蔡人殺五父而立之五父即佗也 書大閱之始 故不稱位不稱爵春秋討賊之義茍可得伸無所不 討賊者衆人之公也 程子曰蔡桓侯殺陳化私也而書人同于討賊者見 人般陳佗 春秋鄉美 +

金アノレアノニュ 蔡人知佗之為賊善陳者以陳國不以佗為君知其 蔡國人皆以為君矣聖人抑揚與奪見諸行事如此 為賊故稱人稱人討賊之詞也不以為君故稱名稱 而四國納其賂則不知其為賊矣齊商人弑君者及 名當討之賊也會桓弑君而鄭伯與之盟宋督弑君 以討賊也書蔡人以善蔡書陳佗以善陳善察者以 胡傳佗弑太子而代其位至是踰年不成之為君者 其見殺而稱位祭般弑父者及其見弑則稱爵是齊

九月丁卯子同生 て こり こうこ 賊者使非其淫獵輕出自順其首于蔡人則遂成為 **醋粒殺之者又衛人也故與以國討而日衛人殺州** 嫡子始生即書于策與子之法也多不書者常事也 君矣故書蔡入殺陳佗若曰陳之賊蔡人殺之爾胡 吁于濮陳伦立踰年矣陳國之臣子未聞有明其為 丈定乃謂善陳國不以為君恐未是 王樵氏曰按衞州吁之誅雖執于陳人而發之者石 春处瓣莪 旱

金グロールとう 子者矣及考文姜三年九月至自齊子同生于六年 猗嗟之詩有展我甥兮之句明其為甥必有疑其為 姜所生蓋在未君前所生縱令是嫡亦不書矣穀梁 日疑故志之丈姜時與齊會情有煩言安能無疑故 母無明文未知是嫡與否據公衛之年成公又非穆 文公與成公子亦子野皆嫡長然不書于春秋而杜 元凱又謂十二公惟同嫡長孔氏疏云文公哀公其 几月是時文姜猶未失正何嫌何疑而釋之哉豈文

冬紀侯來朝 ひこうい かい 成雖嫡時君不能行舉嫡之禮夫子姑舉子同之 以垂訓數 然以嫡自鳴而欲掩其篡也 寵于王故告不能然明年王使主紀婚矣何言不能 其事而書之按傳桓公謂與已同物而命名焉則居 沈長卿曰杜氏謂十二公中惟莊公為嫡長故特重 压氏紀侯請王命以求成于齊公告不能杜謂公無 春秋辫莪 四十四

七年〇齊僖二十六晉小子四衞宣十四蔡桓十鄭莊 丙子〇桓王十五年 金原四十八三百 春二月已亥焚咸丘 成耳 自通也當蘇齊欲滅紀魯與齊好不敢顯言為紀求 胡傳咸丘地名易稱王用三驅在禮天子不合圓諸 三十九曹桓五十二陳厲二起武四十六宋莊五秦 一楚武三十六

いのは見いい 夫小國即為附庸或于嘉好吉祥之事以內辭書可 咸丘者附庸之地也比内地或曰焚火田也火田而 咸丘公穀皆言都邑也灌南曰桓篡立七年滕祀皆 侯不掩羣子釣而不綱弋不射宿皆愛物之意也推 在今十二月固其時也何用書乎明年秋代都益信 脩朝禮而邾乃附庸之國獨不至故焚其邑不言邾 **焚成丘所謂焚林而田也** 此心以及物至于鳥獸若草木裕無淫獵之過矣書 春秋群義 四十五

金ケロートノー 聖人又勸而成之以內辭書不亦嗜利而無恥乎咸 非狩地或曰火田非苑狩之法直書焚以譏其盡物 野利吾馬足耳今春焚咸丘直至明年秋伐邾又過 之伐,都為信尤不其然夫焚而後伐者不過焚其原 耳若取人之色残人之地乃曰此吾附庸無害也而 两夏咸丘之野不更蒙革乎高抑崇曰咸丘乃魯地 近齊者故孟子以咸丘蒙為齊東野人吳幼清以為 丘不繋都定非都邑明也若以今年之焚咸丘明年

夏穀伯綏來朝鄧侯吾離來朝 CA. 1951 125 咸丘今鉅野有咸亭 也是矣 附庸也穀鄧以諸侯而名者何也胡子以朝桓立義 穀鄧皆名熊過氏曰古者諸侯不生名來朝而名則 左氏謂贱之名夫降爵成禮如滕紀薛者有矣不敬 日惡其黨惡也然而滕紀不名又何以通于彼例也 如把者有矣史豈嘗賤而名之先王制禮不敢 春秋辯義 野六,

金ケビトノニト 遺小國之臣而況名其君乎公穀皆云穀鄧失地之 時曷為遽以失地名之故趙匡劉敞以為用狄禮而 接于齊蓋失地而奔者也然莊十六年楚方滅鄧此 或曰穀鄧子會交好不通事無本未鄧旋為楚所滅 君趙金明因訂之日穀鄧皆在南陽而逼于楚惟不 見容故越蔡許曹宿都六國歷千四百里而以朝禮 而名即如祀桓公用夷禮何以不名哉是匡亦妄也 名之夫言非失地而名信足辨公穀矣以為用狄禮

春正月巳卯烝 2 m. 1 ついれ たいか 五〇桓王十六年 鄭莊四十曹桓五十三陳属三紀武四十七宋莊六 穀今襄陽穀城縣鄧今鄧州方城今裕州 名徵其實者也 **而穀終春秋不經見以其接我**)齊僖二十七晉侯緡元年衞宣十五蔡桓十 楚武 三十七 春秋鄉美 找故詳其名所謂以 羽十七

天王使家父來聘 金足口にんきる 見贖也 高柳崇曰謀納后也 左傳春滅翼 杜元凱曰此夏之仲冬非為遇而書為夏五月復烝 祭也敬而不黷 事不書此何以書譏逐也亟則黷黷則不敬君子之 公羊傳然冬祭也春日祠夏日初秋日當冬日烝常 卷三

秋伐邾 欠こり・ハイゴー 冬十月雨雪 **夏五月丁卫烝** 隠七年代邾之後至今邾未朝會故伐之書代邾或 曰大夫專非也内辭書法自應如此與二年九月 左傳王命號仲立晉哀侯之弟緡于晉 杷同若隱七年公伐邾乃公將以說宋特筆也 程子日建酉之月未霜而雪書異也 春秋游莪 哭

祭公來遂逆王后于紀 甫謂祭公當歸白于王然後如紀竊考紀地在今淮 甚周在當時僅同小國未堪辦此至魯之後必以驛 女于王為重馬趙子常曰桓王取后于紀命魯主婚 安府海州與魯近如若還朝再往道途往來釋騷殊 公來受解于主婚者而往逆后于紀皆禮之宜也灌 春使家父來聘則其事前定矣旣已納幣契成故祭 齊將滅紀紀託 于魯魯勢不能成紀于是與謀俾納 E たらることす 一 戊寅〇桓王十七年 書報聞耳熊過氏曰天子不自主故祭公不稱使成 因上事生下事之幹趙氏曰遂者急後事之辭大夫 送為非常于是機祭公罪紀而議及天王坐以虚文 說經而不以天子昼禮推原之也孔氏日凡言遂者 使于找故言遂諸家泥于常事不書之說謂書來書 書遂始此 **拱遂事與此不同** 春秋排義 野九

春紀季姜歸于京師 九年〇齊僖二十八晉緡二衞宣十六蔡桓十二鄭莊 四十一曹桓五十四陳属四杞靖公元年宋莊七秦 姜歸不書以天子之后非祭公所得以也公羊傳紀 劉夏逆王后于齊不書歸此曷書曾為之主也紀季 出子元年楚武三十八 紀父母之于子雖為天王后猶曰吾季姜 李姜歸于京師其辭成矣則其稱紀李姜何自我言

金りした

秋七月 夏四月 冬曹伯使其世子 射姑來朝 欠いり車人に可 有出會朝聘之儀矣然攝其君繼子男者謂諸侯朝 天子急述職耳諸侯間于王事則相朝其禮本無時 君則下君之禮一等未誓則以皮帛繼子男世子固 胡傳按周官與命凡諸侯之嫡子誓于天子而攝其 于天子有時而不前故老疾者使世子攝已事以見 春秋辯義 · 平

:

曹伯既有疾何急于朝桓而使世子攝哉當享而射 姑嘆踰月而終生卒其有疾明矣而使世子來終生 春秋群義卷三 也世子將欲己乎則方命矣曰孝子盡道以事 分曹縣東五十里 也不盡道而苟馬以從命為孝又馬得為孝 回夫已多于道

欽定四庫全書

春秋辨義卷四

詳校官監察御史正沈孫璉

給事中臣温常授覆勘

校對官中書臣李 總校官進士臣緣 腾 銀監生臣陳元熙 楘 琪

次三四三十二日 白秋鄉美 拱 秦出

秋公會衛侯于桃丘弗遇 夏五月葬曹桓公 熊過氏曰桃丘今東阿縣東南桃城也考水經蓋齊 齊鄭故公不遇 為衛地非也桃丘之會必魯聞衛侯適齊期戰故會 西齊南界地西南距衛尚隔范軍等皆魯邑先儒以 杜氏曰衛宣公未當與魯通至是為會期中變而從 以間齊而衛已繇他道先過故曰弗遇若中背公

史記四華全書 ! 冬十有二月丙午齊侯衛侯鄭伯來戰于即 是戰 信非也 齊惡會為紀謀難則主兵者齊也鄭固與齊同如紀 桃丘今東阿縣西南有桃城會地 者衛又與齊胥命于蒲者故三國來戰胡氏謂鄭主 齊钦併紀而與鄭衛合黨會則專意援紀者也故有 而更與齊鄭則但當言弗至以見實耳胡氏謂惡失 春秋鄉美

即戰齊固我首也說者又謂魯鄭自防許結成之後 非也州吁求寵諸侯而舉兵其實欲除已之害者宋 其交深矣至是而離必有其故夫鄭所早身厚禮以 也以爵以謀自應宋主兵今齊既惡魯為紀謀難則 兵而首齊猶州吁主兵而先宋也此據左氏為說耳 世事鄭不計宋又何計魯哉公教皆謂內不言戰 姬魯者專為宋也宋有弑君之禍國亂君更為隔 言戰則敗者非也左氏又謂魯以救齊致周班後 É スピフェーニュー 趙子常曰凡諸侯相侵伐或攻掠或求成不必皆戰 言戰 其戰則以主及客以中國及夷状皆以應兵見之此 地 牽帥齊雖心惡援紀不能執言書來戰于郎散辭 鄭之罪而齊反為鄭與師是為有解故改侵伐而 交級而退無敗續非也戰則彼此交兵互有勝敗 不能偏目 不知侵伐與戰事自不同杜氏日以禮自釋 一國故第言戰耳此戰我既有辭衛亦 春秋辨義

姜廷善曰按比戎伐齊鄭忽救齊敗戎魯以周班後 六年今亦未必至齊為之班餼惟當信據經文如左 能救齊敗戎有功會以援紀之故與齊不相通者已 鄭亦距齊遠齊未必遠待鄭松而忽之昏儒亦未必 鄭領事未必有盖北戎距齊甚遠未必能加兵於齊 不以曾及三國戰直言三國之君來戰乃筆削之旨 **氏之說則昔人當以為浮夸不足憑也**

十有 春正月齊人衛人鄭人盟于惡曹 **てこうい ハ**に 皆書人雅泉之盟七國皆書人蜀之盟十有一 莊四十三卒曹莊公射姑元年陳屬六起靖三宋莊 曾 熊過氏日齊鄭之黨久矣尚疑桃丘于衛故盟同絕 汪氏曰鹿上之盟三國書人齊之盟清丘同盟四國 九秦出子三楚武四十 年〇齊僖三十晉解四衛宣十八祭桓十四 春秋游美 國皆 鄭

夏五月癸未鄭伯寤生卒 食にていてんとこ 前書來戰則其罪已著矣欲明二事為一役故蒙上 而再見者但人之略之也 趙子常日一役再有事桓十一年戰稱君盟稱人者 文略稱人以見之也陳氏曰此戰郎諸侯也凡一役 者則不書于經矣 書人澶淵之會十有二國皆書人未必皆微者茍微 鄭莊卒後公子五争兵革不息孔氏日是年忽奔衛 卷四

秋七月葬鄭莊公 九月宋人執鄭祭仲 ここうえ ここ 儀四争也莊十四年傅瑕殺子儀納属公五争也 曼生昭公故祭仲立之宋雍氏女于鄭莊公曰雅姑 突歸于鄭一争也十五年突出奔蔡忽復歸二争也 生厲公雅氏宗有電于宋莊公故誘祭仲而執之曰 十七年忽紙子麼立三争也十八年齊人殺麼立子 左傳夏鄭莊公卒初祭仲足有電于莊公為公取鄧 春秋蝉荚

金月日月至 矣趙氏以為國君不名卿老世婦仲鄭老臣忽不敢 孔父女叔同若日賢而不名以為知權則公羊氏誤 五年鄭伯禦王左氏載祭仲足為左拒又日鄭使祭 祭畿内邑仲字也天子之命大夫為鄭卿也故字與 不立突將死亦執厲公而求縣焉 名無以徵信也義不在君前臣名之說也 名則又迂矣字其臣而名其君者何當争國奔歸非 足勞王夫勞王為文者必不稱字也其前曰仲足與 <u>m</u>

突歸于鄭 を一可、へい 仲為名者誤矣按鄭詩刺莊公不聽祭仲之諫而其 此稱說也若蕭叔則亦大心是名叔是字 此書執之始 茅堂胡氏曰祭仲以命大夫而稱字深責之也或以 孔父嘉子儀克 相之名乎是知仲之為字無疑矣 詞日將仲子分又曰仲可懷也為此詩者豈斥其國 類連字與名名以在後春秋時有 春秋群義

鄭忽出奔衛 書突歸于鄭鄭忽出奔衛皆名之而無所異何也左 瑜年日君在喪日子忽為嫡長似宜為君矣而春秋 能而點其君以立不正若仲之為者春秋之亂臣也 許為還至其國而背之執实而殺之亦可也二皆不 劉侍讀日祭仲之義宜効死勿聽又不能是則若强 不立三公子皆君也又日祭仲足有寵于莊公為公 氏忽辭齊婚祭仲曰必取之君多内寵子無大援將

ノニ

てっていな へい 突歸于鄭省文也忽不言鄭當屬何國 止稱忽出奔衛突自不正不必以不稱鄭致貶其曰 自求多福在我而已大國何為充是言也修德行仁 娶鄧曼生昭公故祭仲立之忽雖當立亦非公命故 以與鄭國可也忽之終不能君也無濟亂之才憫之 至于見逐故國人刺之今按忽之辭昏正也其言曰 于齊齊侯請妻之齊女賢而不取卒以無大國之助 王樵氏曰按小序有女同車刺忽也太子忽當有功 八大洋花

弟之隙而成其亂州吁弒完篡位則欲定之宋公子 則易許田結防成宋督弑殤公而立莊公則成宋亂 馮奔鄭則欲納之曲沃莊伯伐翼則助之會桓弑隱 出忽立突即莊公之為也 矣語曰出乎爾者反乎爾者也鄭莊好構人父子兄 此書奔之始 可也罪之不可也刺忽為鄙夫之言也胡氏取之誤 分宋縣是時諸侯同惡相求如市賈焉宋之齊祭仲

柔會宋公陳侯蔡叔盟于折 スコリシ ハド 公會宋公于夫鐘 冬十有二月公會宋公于閥 蔡叔諸侯之兄弟稱字 此内大夫會外諸侯盟之始 宋雷皆助突者折以下三盟皆宋莊結魯爭鄭之計 折魯地孫明復云 鐘那地 春头野莪

多好ロアルを言 其後也 關會地今汶上縣西有關亭 為卿者也凡先公子出與會盟法當以臣禮書名趙 熊過氏曰大夫會諸侯盟于是始柔不稱氏未賜族 怒深恨于鄭故折之會宋欲得魯為應以防齊之議 齊難以圖鄭而魯方有戰即之怨于齊陳蔡亦有積 屢盟而厚疑胡氏之言是也是時鄭黨于齊宋非制 謂諸侯之弟攝君則稱字非也禮卿不會諸侯 29.

十有二年○齊僖三十一晉緡五衞宣十九卒祭桓十 0.17.1 ... 夏六月壬寅公會杞侯苔子盟于曲池 春正月 平巳〇桓王二十年 曲池今曲阜縣北壤有曲水亭古汶陽 秦出子四楚武四十 五鄭厲公突元年曹莊二陳厲七卒祀靖四宋莊十 國皆會隣公平二國故會于曾地而盟之 一大脚笺

秋七月丁亥公會宋公無人盟于穀丘 金好四片全言 黄正憲氏曰去年宋與曾陳蔡為盟今又與燕盟將 以斷齊鄭之道也但宋屢求于曾左氏乃云公欲平 宋鄭何也蓋是時齊鄭為黨齊謀在紀桓公欲援之 **把公穀作紀曲池公作歐蛇** 熊過氏曰南燕姑姓伯爵黃帝之裔國今衛輝府胙 不可得其欲平鄭于宋者意圖鄭背齊合會而陰 紀也計亦巧矣

公會宋公于虛 冬十有一月公會宋公子龜 てこうら こた 月士辰陳侯雖卒 城縣穀丘宋地在今歸德府南宋齊陳蔡當為盟矣 虚宋地公作郯 黄正憲氏曰按折關夫鐘之會是宋欲親魯伐鄭故 今又盟熊齊鄭于是道斷 數會于魯地宋為主也此龜虚之會是魯欲平宋郭 春秋雕菱

金にいれたんないで 丙戌公會鄭伯盟于武父 龜宋地 伐宋戰焉宋無信也 黄正憲氏曰按武父鄭地是會出于曾鄭两相欲者 又會于龜宋公辭平故與鄭伯盟于武父遂的師而 宋公盟于句濟之丘宋成未可知也故又會于虚冬 宋不受平故數 會于宋地魯為主也 左傳宋多責賂于鄭鄭不堪命公欲平宋鄭秋公及 卷四

益會方欲以平宋之謀市思于鄭以親其援紀之心 宋公辭平則會愧失信于鄭屬遂肯宋而會鄭鄭属 鄭又欲以黨齊之勢陰嚇于魯以堅其平宋之計今 者也嗚呼隱受鄭翰平而絕舊好之宋于前桓嫉宋 辭平而親仇敵之鄭于後相繼失策魯之國事可知 乘魯桓恨宋辭平遂結魯以謀宋故曰出于兩相願 矣姚舜牧氏又日魯桓憾忽于郎之戰幸鄭莊之卒 結好于突以洩其怒而突篡忽自立亦欲反忽之所 果大伴.

多定四庫全書 **丙戌衞侯晉卒** 是也 蘇子繇曰鄭伯突也突篡其兄而立春秋以君許之 君皆因其實而已不然則否不能君也衛州吁陳佗 之則以君書之不没其實也雖君而實篡雖篡而實 何也諸侯雖以 篡得苟能和其民而親諸侯内外君 為求善于魯以為之援此武父之盟所以兩相合也 穀梁云再稱日決日義也或曰再書丙戌美丈耳非

十有二月及鄭師伐宋丁未戰于宋 とこう こと 衛上無丙成二字穀梁傳錯簡于此 曾鄭之交以路合書武父之戰以見宋 鄭之黨以 孔子存之也然按石經衛侯晉卒在盟于武父之前 日望鄭而不副至于伐戰春秋書部鼎之取以見宋 于稷之成以齊魯鄭陳皆有縣故也今宋以己之前 力焉其類同則其交宜固矣然宋莊之立華督之相 王樵氏曰按宋莊之得國鄭力也鄭突之得國又宋 春秋叶美

金リヒングを 戰馬是公自將也不書公者趙氏曰蒙上文也前稱 賂離 君後稱師者一役再見也熊過氏以為內稱及為微 高忠憲曰屢盟而卒叛數會而卒離故盟會春秋所 者或又以為諱公皆非也特趙氏蒙上文之說疑故 惡也來戰者罪在彼戰于即是也往戰者罪在內戰 左氏宋公辭平故與鄭伯謀于武父遂帥師而伐宋 于宋是也 *

壬午〇桓王二十一年 スロフラ 人 條戰宋正接不得為間有事矣況左氏明載公與安 侯晉卒四字原在盟于武父之前則盟于武父與此 後故熊氏以為間有事不得蒙上丈不知石經本衞 無害莊九之乾時僖二十二之升脛皆間有事亦不 得為微者乎趙氏固即石經本也即非石經本亦自 人不解耳令上文之丙戌衞侯晉卒在盟于武父之 可謂不蒙上文也 春秋即義

金いロルノー 春二月公會紀侯鄭伯巴巴及齊侯宋公衛侯燕人戰 下有三年○齊僖三十二晉緡六衞宣公朔元年蔡桓 此 不持宋也公羊以為魯與宋戰則鄭獨不欲與宋戰 齊師宋師衛師熊師敗績 十六鄭厲二曹莊三陳莊公林元年杷靖五宋莊十 乎穀梁以為紀與齊戰趙匡氏考據經文內外主兵 秦出子五楚武四十二 戰也三傳異說左氏以為宋與鄭戰然助实者 卷四

(10) ロート 者而信之尤不合理紀為小國齊日侵凌方自投之 應故鄭與宋戰會以郎之戰怨忽故主突今宋攻突 者何所見也然則奈何鄭突以責略怨宋宋您鄭不 不暇安能挾二國與齊作難乎且公穀原無是說說 序爵也齊先宋不主爵趙子常謂以强大易周班益 也紀與齊警魯又主紀則紀是魯之所挾也先紀者 連衛燕故去年宋所盟于穀丘者則熊是宋之所挾 故曾與宋戰忽當有功于齊故鄭忽連齊忽奔衛故 春大脚義 ÷

金戶口匠人 亦臆言之孔氏以為宋使齊為主猶隱四年州吁代 鄭而使宋主亦未盡也紀先鄭齊先宋益有數義宋 故以紀先鄭不特序爵當時或假齊紀相響之事聊 與紀為難者然且宋莊繼弒為齊侯所立當時亦宣 故助突今以縣故更攻突尤難出口故使齊為主若 為君實繇宋立今以賂故背宋思怨忘德亦為無名 無致敬之禮宋亦不敢先齊此齊先宋之義也鄭突 爾立言亦未可知故序爵紀當先紀為鄭所援亦當 卷四

ろこうこう とこ 先且主兵者或居前或居後無居中之法令鄭以主 據春秋考異郵日戰在魯之龍門故春秋說日龍門 此戰以宋與鄭戰為實而其餘各有本末各有仇對 兵在後會從內辭則紀亦當先此紀先鄭之義也故 之戰兵死傷者滿溝正與書法內幹合則是戰于曾 不書所戰左氏曰後也諸例皆不可通據左傳及明 之戰也則此戰當在宋地然熊過氏又以為在魯其 年傳文以為不地戰于宋也宋人以諸侯伐鄭報宋 人大美 İ

金庆四广全 是也與鄭戰爾而胡為于魯去年冬及鄭師伐宋丁 曾者近之矣 衛宣公未葬而稱衛侯者踰年也且行師與會盟不 之所為 宋繼又同鄭伐宋鄭屬德魯故助魯救紀而反其父 **未戰于宋矣則今之來也非報丁未之役乎然則于** 也戰于魯而不書地何也公羊子以為近而異于郎 川吳氏曰告鄭莊助齊謀紀者也會桓數為鄭會

秋七月 夏大水 癸未○桓王二十二年 冬十月 同 胡氏傳曰旣與衛戰曷葬宣公怨不棄義怒不 月葬衛宣公 是知古人以葬為重也且會與衛無大讐也

無冰 夏五 金好匹厂生音 春王正月公會鄭伯子曹 十有四年○齊僖三十三年卒晉緡七衞惠二蔡桓十 七鄭厲三曹莊四陳莊二起靖六宋莊十二秦出子 六楚武四十三 左傳曹人致餼禮也 穀梁傳孔子曰聽遠音者聞其疾而不聞其舒望遠 卷四

熊過氏日夏五者闕文也桓公之簡多關經莊公之 者察其貌而不察其形立乎定哀以指隐桓之日遠 是已穀梁以為傳疑胡康侯因曰春秋因舊史有可 傳授闕之或以聖人因舊史闕之非也夫趙氏其言 簡多闕傳自十九年空一年之經而失傳或累數年 矣夏五傳疑也 损不能益可損不能益是也然聖人經世之典茍存 之經而傳旨無之皆其墜佚也趙金明日修經之後

シュラー たい

春秋野莪

ŧ

鄭伯使其弟語來盟 闕文何為哉孔子稱及史闕文言其時之遵所聞而 史而獨存夏五為闕疑迁矣益傳寫之漏世儒說奇 春秋之義微矣何為存之徒以益後世之疑乎以是 郝仲與曰夏五不月闕文也史闕乎非也仲尼筆削 知聖人不為也 不敢自用易置也若遂去一月字遂增一月字其于 可為莞爾

STATION LIT. 其來我舉其貴者非也來盟者奉君命來受盟也趙 者親其辭也熊氏謂諸侯之尊兄弟不得以屬通曰 春二月會于曹矣又使語來盟以中固要約其弟云 書名罪其寵爱亦非也 其弟則知諸大夫有所不心乎突者非也穀梁謂以 蘇子蘇曰凡外大夫來盟于魯内大夫莅盟于他國 非也齊年陳黄皆名也謂諸侯之兄弟例以字通而 金明所謂屈己而求盟于我是也穀梁謂前定之盟 春秋鄉美 ᄎ

乙亥嘗 秋八月去申御康災 金にせた人言 皆盟其君也大夫而盟其君禮乎禮諸侯不親盟于 語穀作禦 他國大夫即盟于他國非敵君也雖盟其君可也 諸說紛紜熊氏曰乙亥之嘗左氏曰不害者火不害 曾非八月之祭以御廩災故先時舉行無大失禮而 栗也而穀梁以未易災餘為不敬胡康侯因之為傳 卷四

然趙匡之言曰易災可一日而辨況其間經两日乎 廟祀必戒十日享越三日而當則深盛已出康此又 此以其時放之而定其非災餘也至鄭漁仲則又曰 法耳今惟御廩遇災故有此舉安能於王申之先預 也廟祀十日戒享越三日而當此言其平時致敬之 以再貯急取而用之耳趙匡以時定其非災之說非 以禮正之而定其非災餘也予謂御廩以藏粢盛如 在繁之牡也享神之物既不可别求已火之餘又難 春上脚義

金定正库全三二 灌南曰記災自是一義災與祭適相近在數日間耳 與鄭相同然則此書直志其災而已矣 為誓戒鄭樵以禮定其非災之說亦非也企明之說 汪氏日郊稀諸侯之所不當祭故孔子云魯之郊稀 非禮也嘗社諸侯之當祭故春秋一書嘗畿以災餘 而志之不書祭社以為當事也漢儒因中庸以郊社 之米供粢威四書社皆以日食大水鼓用牲之非禮 稀當故言又見春秋書郊社稀當故傅會以為皆借

冬十有二月丁已齊侯禄父卒 宋人以齊人蔡人衛人陳人代鄭 禮然春秋書烝書當豈以當獨為重祭而然非重祭 代齊蔡怨囊瓦之拘已故以吳子代楚蔡弱于吳魯 乎當而謂之大春秋何以不書大乎趙氏辨之當矣 之背已故以四國代鄭魯怨齊人之侵已故以楚師 胡傳師而曰以者能左右之以行已意也宋怨鄭突 左傳宋人以諸侯伐鄭報宋之戰也) 比財 に -

|金定匹庫全書 **讐鄭也讐鄭則嫉魯可知而紀之後患亦胚胎于此** 曹者也今鄭既背齊黨曾則齊亦背鄭黨宋相持之 勢也以者左提右挈之謂夫齊强于宋何亦聽宋深 黃正憲氏曰按蔡陳與宋盟折者也齊衛與鄭盟惡 矣春秋不惟志宋鄭反覆交噬之禍實預為曾紀危 意故特書曰以 弱于楚宋與蔡衛陳敵而弱于齊乃用其師以行已 耳 卷四

甲申○桓王二十三年崩 スューリ・・ ハニー 蔡衛陳敵而弱于齊乃用其師以行已意故特書此 君即諸侯不在稱諸侯可也立言之法也 實非君將也或者以傳有諸侯伐鄭之語疑為君將 **氏傅曰以** 不知傳言諸侯者不欲重言齊人蔡人省文也事統于 公察人在衛人下 八以諸侯伐鄭子常曰以者何乞師而自將也陳 一國而用諸侯之師于是始胡氏日宋與

金好巴居 全電 春二月天王使家父來求車 三月乙未天王崩 夏四月已已菲齊僖公 **十有五年○齊襄公諸兒元年晉緡八衞惠三蔡桓十 葬則諸侯不王之罪大矣** 趙子常曰求車有缺乏也俄而天王崩七年而後克 元年楚武四十四 鄭厲四曹莊五陳莊三祀靖七宋莊十三秦武公

五月鄭伯突出奔蔡 趙子常曰何以名辨二君也凡一國而二君者其出 奔未有不見出于其臣者也但書奔存大體也 侯朱辨于東國也莒子庚與辨于郊公也都子益辨 糾而鄭伯出斧則其但言斧何春秋無費辭為君而 祭仲專鄭伯使其婿雅糾殺之雅姬以告祭仲殺雅 于黔年也衛侯鄭辨于叔武也衛侯行辨于剽也察 人史皆名之示有辨也鄭伯突辨于忽也衛侯朔辨

*/ n.) (. . . / . . .

春九郎美

金にいたんなって 鄭世子忽復歸于鄭 當立故復歸以世子稱此非魯史舊文春秋之特筆 會桓終始右突則忽之復歸非魯人意也曾史必不 矣則亦不可無辨也十一年突歸于鄭至是凡五年 所受命君鄭五月而後出于法俱不得稱世子以其 于華也惟北蘇伯敦不知所為辨齊晏子曰燕有君 正以世子之名夫世子者太子未嗣位之稱也忽無 忽亦不聞先有受命然嫡長當立也忽當有惡于曾

てこう・・ ハー・ 嘗為世子若庶孽得而奪之則天下之適庶亂故正 也 風者也浅矣 其名與之繼世深惡亂臣賊子之意也杜氏以忽為 可以君國者無幾矣春秋别嫌疑明是非以謂忽已 劉侍讀曰忽之出無鄭者也而又不得稱子則忽之 太子有母氏之寵宗卿之援有功于諸侯此太子之 Ī

金好四片全香 我且當時天王何在總葛之戰且中肩矣方伯何屬 或行潛掠其法不一况得宗廟社稷而奉之奚顧問 國之義夫鄭不亂則不能入伐人之國者或鳴鐘鼓 許人嘉之故以氏告是也或又以為國亂竊入非復 居之叔不書字則疑于齊小白陽生苔去疾杜氏日 偏是年鄭亂許叔度鄭不能與已争故自入其國而 許叔莊公弟應十一年鄭使許大夫奉許叔居許東 齊大國助虐入許又讓許于鄭矣亦安所告赴也

スペンり という 公會齊侯子艾 黄正憲氏曰接會自戰即之後與齊不相往來十 年會復黨鄭厲伐宋致四國敗績則於之街魯為益 自十年戰即之後至是復與其子通好會與齊郭 蘇子縣日叔之不稱公子将為君也不名而字無與 許今復與齊定許定許所以撓忽也 左傳謀定許也 争國者也凡將君而非尊者皆字許叔蔡季是也 春汉群義

和人 金岁口压台言 趙子常曰凡來朝同時俱至必以先後行禮若滕侯 薛侯是也陳氏項氏皆謂此與滕薛皆機旅見自參 年萬也 會以修好不知又落諸兒姦計中左傳云謀定許非也 深矣况今鄭厲既奔會勢孤危故乘齊襄初立為此 义齊地公作部穀作蒿 二國附庸稱人微之也都當稱字矣此何以稱 年人萬人來朝 卷四 從

侯而况魯乎齊君朝而稽首于伯主晉人曰天子在 侯亦曰用齊桓而已楚猶不敢僭天子之禮以臨諸 僭天子之禮亦非人情也如楚雖僭王猾夏其會諸 用周班價曹太子則以上卿當時號曾東周禮謂桓 謂隱僭天子之禮非人情也桓雖非賢然次齊飯則 君不以禮即位不爵命大夫衛侯來會葬不敢見而 以上貶人之非也傳言滕薛争長明非旅見隱以攝 而君辱稽首寡君懼矣齊侯稽首于魯君智君拜齊 ,徒肆,

金定匹库全書 秋九月鄭伯突入于樂 德府寧陵縣實古梁國 年今泰山郡有故年國李氏謂今登州福山萬今歸 而況旅朝乎學者不知春秋有存策書大體之義泥 書爵所以戒居正者已不能保則人取之矣書入以 程子曰突非正也突旣恣行故國人君之諸侯助之 , 怒魯人曰非天子寡君無所稽首稽首猶且不敢 一字褒貶而失其情實去春秋遠矣

次定四軍全書 ~ 胡傳經於屬公復國削而不書獨書入于樂何也夫 而不書者若白既入于樂則其國已復矣 折有國之害也故夫子行乎季孫曰古者家不藏甲 有浦威而出獻公楚有陳蔡不養而叛棄疾末大必 制邑之死號君共城之叛大叔皆莊公所親戒也今 見義不容也 色無百姓之城遂墮三都以張公室于厲公復國削 又城櫟而真子元焉使昭公不立何謀國之誤也衛 春秋辯義 7

突而早忽故稱突日鄭伯似未盡突據國數與諸侯 突不書歸于鄭此正不正之辨也衛行之出國固其 有鄭也王樵氏曰突稱鄭伯家氏謂夫子因齊史崇 也突入機將迫兄而出之謀再篡也行自夷儀入 國也林父逐而立剽不正也突之出位非其位乃篡 秋書之以明行當有衛也突入鄭而不書明突不當 入夷儀而已鄭突名而衛行不名行書復歸于衛而 **木訥趙氏曰諸侯再入不至于國惟鄭突入樂衛侯** 春

冬十有一月公會宋公衛侯陳侯于哀伐鄭 盟會稱鄭伯矣故書曰鄭伯非子其為諸侯也忽雖 依其故稱到鄭世子忽而已故春秋亦因其實而書 左傳謀代鄭將納厲公也弗克而還殼梁傳地而後 櫟今釣州已改禹州實古陽翟 而不與諸侯盟會無事可見不久即為人所弑當時 正嫡未踰年而出奔及突為祭仲所逐雖乘亂竊入

たいヨラノにす

春秋瓣茂

4

是時突在樂忽在鄭經書代鄭為代忽明矣代忽將 伐疑詞也非其疑也胡傳忽弱突强諸侯不顧是非 突者忽復返國祭仲專政事多齟齬故又謀納灾以 鄭突同惡相濟夫宋以責略不堪已與鄭絕今復助 納突也宋馮魯允衛朔三君皆以篡弑得國故力援 之公子也 其疑于為義而果于為不義相與連兵動衆納篡國 而計其强弱始疑于輔正終變而與邪穀梁所謂非

大定のちくす)酉〇莊王元年 昭公忽元年曹莊六陳莊四把靖八宋莊十四秦武 有六年〇齊襄二晉稱九衛惠四蔡桓十九鄭厲五 宋公上公有齊侯裹公作侈 宋宋莊納突以亂鄭出爾反爾間不容髮天道好還 哀今徐州蕭縣西非鄭地也 真可畏哉 傾危其社稷已得乗之為利也嗚呼鄭莊納馮以亂 春秋鄉義 兲

夏四月公會宋公衛侯陳侯蔡侯伐鄭 春正月公會宋公察侯衛侯于曹 安于櫟與鄭抗衡成二君者兩伐之功亦不少矣 會諸國遂棄鄭無為謀者矣此說非也彼突之所得 冬既伐鄭今復伐鄭熊氏曰納突再勿克也自是宋 左傳謀伐鄭也 一制諸侯爵次有序通春秋無不察先衛者即正月 楚武四十五 ار ان

有陳也陳不在則察衛自以兄弟長幼為序蔡叔長 則又不然霸者主會號召諸侯勤王伐叛則有升降 不陳先于蔡故桓之十一至僖之二十一二十七無 也康叔幼也陳與蔡俱與楚近其自為一定之序無 給三國教災恤難何敢以意加人其衛先察者益以 **令桓公之時二伯未起地醜德齊宋公與鄭為仇仰** 為後至終無確指熊氏以為主會者得以意為升降

曹之會至今亦然四月代鄭衛復先蔡何也杜氏以

いっこうい シニ

春秋群義

金けではんだる 舊矣 蔡與楚尤近迫欲得蔡故進蔡以歌之益非周禮之 年二十七年昭公四年俱蔡先陳矣則以楚人為政 侯而陳子也衛之先陳者何故曰大于陳也衛先陳 自先察矣自此直至襄公二十三年共八十餘年祭 汪氏曰蔡衛皆姬姓侯爵而或先或後者率以私意 屬在楚未當與陳並列會盟也其二十四年二十六 不陳先蔡也二十八年冬溫之會蔡在陳前則以蔡

火かりました。コー 盟新城會非林盟蜀襄五年會成會都則陳先于衛 代鄭宋以四國代鄭會温襄二十四年伐鄭會宋會 北杏盟齊會盂圖宋盟翟泉會號則以陳先蔡從王 就會召陵則衛先于陳此年代鄭代衛納朔次郎會 從王伐鄭宋以四國伐鄭會于裏此年伐鄭會宋會 故會鄄盟巡侵蔡會首止會新城會鹹盟壮丘會准 春秋群義

為進退也故此年會曹先蔡伐鄭先衛而盟践上會

宋會召陵侵楚蔡又先衛會號衛又先蔡紛更不一

似也然代鄭成虎牢之役則序滕子薛伯把伯之上 晉伯之後齊亦以侯而先宋公矣齊世子光盟點澤 先薛伯杷伯矣齊桓以侯而先宋公則曰主盟也晉 許以男而先曹伯准之會則又先邢侯莒都以子而 至會祖皆序小都子之下世子未誓以皮帛繼子男 霸而後會盟亦以侯而先宋公則亦曰主盟也然自 申再代吳會召陵敗難父則又以蔡先陳是皆先後 之無常無非霸者以意之向背為升降也又其甚者

20012 100 恣惟力是視不復以爵之貴賤計崇果而專以國之 齊太子光先至于師故長于滕毫北之役謂齊太子 之下沉齊光未誓于天子乎據傳于戊虎牢之役謂 亳城北蕭魚之役則序首都之上夫以世子誓于天 强弱相上下矣是故隱公之時滕薛朝魯而争長此 其序耳嗟夫春秋之時王政不綱典禮廢壞諸侯放 光宋向戍先至于鄭門于東門則亦以至之先後易 子而攝其君則下其君之禮一等亦宜序薛伯杞伯 、大丰、

秋七月公至自伐鄭 金安四十年 蠻夷而争晉先軟春秋之終吳且争長于黄池而主 戰則已不計爵次矣馴至春秋季世宋號之會楚以 言之所以抑其强也宋號黄池待貶絕以見罪惡其 為而不華者所以彰其失也宋號先晉黃池以兩伯 猶皆侯爵也桓公之時會以周班後鄭而鄭有郎之 會矣雖然春秋于諸侯爵次之紊亂從主會者之所 餘從主會者之所為不貶絕以見罪惡 **基**.四:

冬城向 次記の車をする 十有一月衛侯朔出奔齊 左傳惠公構殺仮壽左公子洩右公子職怨公十 農功未軍豈可與役 據下文十 熊過氏曰三年苔入之矣其介于苔魯之間故或因 此至伐之始 其服而城之其後苔卒滅向而苔魯之争始于此矣 一月則此乃十月也十月在夏時為八月 春秋群義

張洽氏曰朔立已五年二公子不能獨逐之必因其 奔哉益謀出左右公子而王與聞焉爾觀莊六年王 不發小衆與召而不往天王豈能遽討至惧朔而出 能使衛小衆也穀梁傳天子召而不往也 月二公子立公子殿年惠公奔齊公羊傅天子不 之立謀出二公子而王與闡明矣 王樵氏日公穀皆謂朔獲罪于天子是時王靈不振 人子突救衛朔之復入放黔年于周則朔之出黔年

襁 指其事失實者衛宣派夷姜生急子必不在先君時 熊過氏日往與東海季明德論左氏序极壽事明德 耳然宣卒朔嗣已在桓十年計其時宜甫周歲尚在 **去戌至桓公庾辰纔十九年朔雖已生僅可二三歲** 六年王人子突救衛公羊之說必有所本 及奪妻宣姜生壽豎朔則又當十七八年後自隱公 褓何以不四年間遂見逐奔齊耶當宣姜惡急于

陵養天子周室欲討而後二子得以行其志所以莊

スピローとす

春秋排義

急妻以生者史記稱宣公以急為太子則或嫡出未 亦宜如衛繁稱盗而經一無所書則急壽之死果何 宣朔少必不預聞而謂同構哉況宣公殺急及壽宜 必夷姜所生也至乗舟之事當時不得于宣而出亡 **必如鄭武姜衛莊姜嫡妻之類而所奪乎急者當別** 為者而二子乗舟亦何所指耶竊意宣姜從夫之諡 如晉申生宋座目君以殺若微者殺之姓名不登則 齊女故記亦不稱宣姜也朔年已可君則未必奪

金りに上くる

基四

肯娶以為夫人乎左氏必不足信也宣姜淫亂備載 育諸公族安肯奉以為君而其女弟宋桓許穆又豈 生二子二女則于宣姜豈私烝哉而朔又方為君昭 謂昭伯烝宣姜生戴文及宋桓許穆夫人是昭伯旣 為朔庶兄則衛人何以不立點年昭伯而立朔耶且 伯庶兄豈有妻其母宣姜之理且謂齊人使昭伯烝 于宣姜不可强之則益遠于人情矣姦生子孕宜不 春秋辯義

以死朔于次應立若謂點年與弟昭伯頑皆急母弟

金ダロレイニ 熊氏之說本于宋洪氏實亦非也都肇敏曰接宣公 本意矣 羊不察乃以王命絕之則是出于附會非春秋書奔 十六年矣其春為州吁所殺九月衛人殺州吁而宣 于詩惡本難掩然急壽之死則其自為無與于朔公 公晉以是冬立然則晉之恭姜而生仮子當在桓公 公卒而桓公立十三年入春秋至魯隱四年則衞桓 為桓公弟則莊公子也其庶母夷姜則莊公妾也莊

Nate . I Lie 築距此時亦或不遠其十九年間所生壽朔或已幾 壽使人與仮東舟于河中将沈而殺之壽知不能止 壽與朔後母子也壽之母與朔謀欲殺太子仮而立 弱冠壽之能代兄使而朔之能同母憩兄亦無足怪 之世計宣公即位仮年且長因以為太子而新臺之 因與之同舟舟人不得殺仮方乗舟時仮傅母恐其 洪氏殆考之未悉耶劃向新序宣公子仮前母子 死也関而作此詩壽関其兄之且見害作黍離之詩 **東秋半菱**

前也壽又為前竊仍在以先行盗見而殺之仍至見 義此二人而傷宣公之聽讒也按此則宣公之欲殺 其代已死涕泣悲哀遂載其屍還至境而自殺君子 又使仮之齊將使盗見載旌要而害之壽止仮仮不 可壽又與之偕行壽之母知不能止因戒曰壽無為 附會之說耳惟詩述云宣公殺其世子仮及母弟壽 仮也亦多方矣使齊其再計也其先一段似于此詩 切向博極羣書或有所本至以泰雜為壽所作則 卷四

金定四库全言

丙戌〇莊王二年 **丁有七年○齊襄三晉緡十衞惠五黔牟元年蔡桓二** 諸侯失國名滅同姓名此出奔亦名何也國君争亂 尤為可據偽申公詩說祖劉向然未足憑也 夫壽為假母弟則又非宣姜所生此說更在左史前 與故名之以為徵也如鄭突忽例 乃出奔出奔之國必有二君未知其為朔與為黔年 卒鄭厲六昭二曹莊七陳莊五祀靖九宋莊十五 - 大脚:

二月丙午公會都儀父盟于趙 金定四庫全書 春正月丙辰公會齊侯紀侯盟于黄 以平紀其後齊卒納朔而紀不果平益齊志在滅紀 秦武三楚武四十六 左傳平齊紀且謀衛故也 王樵氏曰朔在齊納朔齊志也以是會魯而會因欲 八紀地後屬齊地 以虚言役魯而會為所愚耳

夏五月丙午及齊師戰于奚 奚會地齊界 公闕夏字奚穀作郎 齊魯交兵之始 左氏曰疆事也 曾公穀作及 魯地 **棧之盟也**

一欽定匹庫全書 秋八月蔡季自陳歸于蔡 六月丁丑蔡侯封人卒 蔡李獻舞當是兩人召李為君亦無明證蔡桓侯元 國日祭季者蔡桓侯之弟弟當立歸者善辭其說所 子季次當立桓侯欲立獻舞而嫉季季避之陳桓侯 無嗣國人召其弟于陳立之是為哀侯獻舞其弟云 出杜預也鄭漁仲考之史曰縣桓侯封人立十年卒 卒蔡人召季于陳而季歸為是說也本之何休胡安

欠こりことす ! 癸巴群蔡桓侯 蔡蔡人嘉之也業已君我不得言嘉季為賢公子蔡 貴者也如果為君不必言貴即左傳亦載察季歸于 桓死自應復歸何休說公羊既如此穀梁傳季蔡之 者則所謂李者也予意蔡季去陳或以有故而出今 所倚重君死而歸國柄有屬其語氣與魯李友相同 故召季為君無明證也季與獻舞實二人也 春秋諸侯葬皆稱公而蔡桓獨稱侯啖助曰蔡季之 春秋辯莪 土

金りにたとき 賢知請諡也人亦多愛其君者莫能愛君以禮而季 世家亦自可異史記世家各國君稱由伯而侯繇侯 能行之此賢者之所以異于聚人也此臆說也葬稱 忍不稱公也杜氏日傳寫之誤也是矣然考史記察 而公皆以漸進如衞康侯七代為伯至頃侯縣周夷 于君無不欲極其尊而稱願之非情數理數天下之 公臣子詞也禮有以隆為貴者有以多為貴者臣子 人皆用之吾何為獨不然蔡季惟賢是以知其必不

とうか こんい 蔡實其餘從同同以見臣子辭耳乃前後不異而止 會無少進益蔡為叛逆之後不敢進爵乃周家之法 子荒稱伯荒子稱官侯自此至蔡滅史記皆以侯稱 以尊周典夫子即賢季而并書侯以著周法理或有 不與他諸侯同也故春秋于桓侯卒即一書之以徵 王乃命為侯可見若蔡本以國絕紹封是為蔡仲仲 之啖助唐人其時古書多存必有所見不然何以言 在桓侯則啖助請諡之說或亦不誣季子賢而能請 春秋辫美

金にロノんなる 及宋人衛人伐邾 啖氏日五等諸侯本國臣子皆稱之曰公葬旣不請 書之明得禮也 侯益察李告王請諡王之策書則云諡曰某侯故特 之鑿也 不書師不書人以見其不得已也奚之戰會志也非 左氏宋志也都宋争疆會從宋志肯趙盟而代都故 王命因而私益為公從而書之以見非禮唯蔡桓稱 寒四

冬十月朔日有食之 **ころりこう** 有八年〇齊襄四晉縣十一衛惠六點年二蔡哀侯 亥○莊王三年 昭公以世子稱春秋與之矣被弑不書魯與諸侯不 會辭也都之代 曾勢也非會志也 君忽也鄭亦不告魯亦不書也 左傳初鄭伯將以高渠彌為卿昭公惡之年夘弑昭 公立公子亹 春秋群義

秋七月 公與夫人姜氏遂如齊 金烷四十八年 春王正月公會齊侯于樂 夏四月丙子公薨于齊丁酉公之喪至自齊 樂今濟南府歷城治西北入濟 公無與字 宋莊十六秦武四楚武四十七 獻舞元年鄭厲七子靈元年曹莊八陳莊六起靖上 卷四

冬十有二月已五葬我君桓公 シュ・ハエ・ハエ・ 齊侯報高渠彌討弑君之賊也不書 殺子亹而輕高渠彌祭仲逆鄭子于陳而立之祭仲 左傳齊候師于首止子亹會之高渠彌相七月齊 餘俱缺說者以為夫子惡桓之弒故削之桓已無王 桓在位十八年元年二年十年十八年正月有王其 稱疾不從免鄭子子儀也 不治其身而削王以示貶悖逆不更甚乎至王不班 春秋即義

金好四库全言 思者亦非不必以劉炫之規也桓篇多關經觀五年 春正月甲戌已五二日可見然則無王者是闕文也

らんかし のここくいう 之戰于總葛祝聯射王中肩齊魯不聞討逆天王不聞 耳其問必有從行之使齎送之禮然而會史不必書也 桓王在東周初威靈尚在四五年兩聘于曾曾無一 年天王使家父來求車十七年桓王崩魯亦不行送葬 五年王奪鄭伯政鄭伯不朝王以諸侯伐鄭而鄭伯禦 再舉鄭莊實為東周戎首而諸侯之助惡可見矣十五 之使往問于周何耶八年家父來聘蓋為逆王后子紀 春秋群美 聖

桓公列國本末

之會連年代鄭總是黨那十六年衛朔奔齊十七年合 非禮也始以得婚好齊旣以主紀助突惡齊十三年有 **罪公不蘇媒介而與齊成婚會齊侯于嬴受齊女于謹** 桓公二年宋斌其君桓公與會于稷以成宋亂納部大 而立王子克王殺周公黑肩子克奔燕遂為頹帶朝禍 禮也王子儀有寵于桓王屬諸周公問公欲弑莊王 與周相終害哉 紀鄭之戰十四年齊僖公卒而復與襄公通好有艾 Ė と言

彭生矣 好奉壁以假田至二年宋君被弑與齊共成宋亂而莊 **會桓宋之甥也鄭虞其翼宋故桓元年盟越盟垂以固** 齊紀于黄以謀衛也十八年公與文姜氏如齊而見拉 惡曹之盟同絕魯也十一年而莊公卒自是祭仲主忽 首齊惡會援紀也故十年鄭衛從齊有郎之戰十一 計以助之與號公争政有總葛之戰憑陵王室鄭實戎 公與宋之仇解矣夫固與齊黨者五年與齊侯如紀設

たこう こう |

春秋辯義

儀 輔突也而多為責略鄭不堪命十二年曾及鄭更代宋 タンレモナト 陳會于裏明年曾會宋衛陳蔡之代鄭謀立突也十八 昭公復歸鄭乃厲公亦以是年入櫟而是冬之魯宋衛 十四年宋代鄭以報之十五年祭仲殺雅糾厲公奔蔡 宋魯主突宋執祭仲而立厲公昭公奔衛向者宋本以 殺子亹而輕高渠彌祭仲逆鄭子于陳而立之是為子 年高渠彌弑昭公而立公子亹是年秋齊侯師于首止 と言

十五年艾之盟是也突之未出也宋欲有所責故當伐 鄭不忌宋而無賴于王矣且無賴于曾矣故與王戰有 鄭伯故不臣特以宋故假借王靈勉為委順與夷既武 スコラところ 宋為難于鄭魯為安撓忽故謀定許欲定許又謀好齊 之後天還人反遂有家難而宋故持之特責貼太多鄭 此奸方於彼其生平好構離人父子兄弟以取利一 總 易之敗與魯惡有郎之師至十有一 不堪命復與魯合而伐宋隱之世鄭為難于宋桓之世 年鄭莊公卒而 死

賄故也 五年與鄭偽如紀而欲以襲之不果惡會之助紀也十 齊僖公入桓公為二十年元年而成宋亂三年與魯婚 以鄭代宋及实已奔而曾與宋代鄭反覆為雲雨總以 之突之旣出也宋懼無所得故求納之始宋不和而會 亦卒齊僖惟利是視聽鄭所為外傳予以小 與曾有郎之戰十一年與紀曾有惡曹之盟至莊公 齊助鄭忽十三年同宋衛與鄭紀戰十四年齊僖公 卷四 伯妄矣襄

金好ロットノー

えこう ニーンニ 患公奔齊 五十六年三同宋伐鄭巳二公子怨公立公子點年而 為哉于是衛與齊胥命于浦焉五年從王伐鄭十年從 衛矣夫鄭結齊而宋結衛者也今二仇旣解助關者何 公繼立會會于艾以定許也反父之助忽者而又與會 齊與會戰于郎十二年衛宣公晉卒惠公朔立十四十 桓二年宋公被弑四國有路宋弱則衛孤鄭亦無虞于 同助突淫親妹殺魯桓齊襄四年事也 **快**

金安四度全 莊公鄭莊公卒家難更甚宋稱師助突執仲既鄭不堪 桓五年陳侯鮑卒陳伦殺太子免而代之已從王伐鄭 命而背宋故十一年冬宋與曾為折夫鍾闕三會而上 厲公卒莊公立十六年宋魯代鄭無不同也 公立會欲平宋郭故十一 八殺之而程子曰蔡桓侯殺之書人同于討賊也厲 入與馬六年經書蔡人殺陳化二傳謂化淫獵于蔡 年殤公被就齊陳鄭曾四國成亂卒立公子馮為 卷四 年陳從魯有折之盟十二

二年穀丘虛龜又三會馬宋公將牢太甚而辭平十二 125 101 125 A 鄭蔡人為首六年蔡人殺陳伦十一年會納鄭突故屢 桓二年蔡侯鄭伯會于鄧傳曰始懼楚也五年從王伐 宋之戰也暨十五年十六年宋凡伐鄭者三 鄭而不副安得無宋之戰哉十四年宋以四國伐鄭報 突之得國宋力也宋莊前固有略今宋以已之前日望 年曾與鄭有武父之盟遂伐宋宋莊之得國鄭力也鄭 與宋盟而折之盟與十四年代鄭蔡亦與焉十五年鄭 春秋辨義 里

桓 季自陳歸 聽刑 受兵此其兆見矣八年楚伐隨隨及楚平九年楚伐鄧 伯突又出奔察察與突比明矣十七年蔡桓侯卒而蔡 魯于諸小國惟待紀有禮謀之于齊六年有那之會徼 十三年楚伐羅師敗莫敖艗于荒谷羣帥囚于冶父以 年蔡鄭懼楚而有鄭之會終春秋蔡两受條鄭 年楚屈瑕盟貳擊敗鄖師于蒲騷十二年楚伐紋 日

タンノレイト とる

之于王八年有后之逆四邑二姬詳書于冊可謂善其 亂乃得以間入許公會齊侯于文謀定許也蓋定許所 始終矣祀亦小國也玉帛不具便爾干戈二年七月祀 COLDILA'S 侯來朝而九月入杞傳曰討不敬也夫豈幣之未將哉 趙以為尋蔑之盟復修舊好矣而八月及宋衛人伐都 以撓忽耳八年秋伐邾自隠七年公伐邾之後至今邾 子未曾一來故有是舉十七年二月方與邾儀父盟于 【年公會把侯于邸祀求成也十五年許叔因突忽之 春秋辯美

年人葛人來朝○二年公及戎盟于唐六年北戎伐齊 辭以王師伐之號公奔虞 來朝○九年曹伯使其世子射姑來朝○十五年都 三年曲沃武公伐翼獲翼侯七年曲沃伯誘小子侯殺 何也益為宋所令不得顧耳 年滕子來朝○六年夏來○七年穀伯経鄧侯吾雜 年的伯萬多龍人其母的姜惡之逐居于魏四年王 年減翼〇十年號仲諧其大夫詹父子王詹父有

師秦師園魏執为伯以歸 べれ)りゅんか 春秋群義